

## **BAB V**

### **KACINDEKAN, IMPLIKASI, JEUNG RÉKOMÉNDASI**

Dina ieu bab dipedar tilu hal, nyaéta: (1) kacindekan tina hasil panalungtikan. (2) implikasi, jeung (3) rékoméndasi pikeun panalungtikan séjénna anu patali jeung kalimah paréntah.

#### **5.1 Kacindekan**

Dumasar kana hasil analisis jeung pedaran dina bab IV, kalimah paréntah anu kapaluruh dina kumpulan naskah Festival Drama Basa Sunda ka XVIII taun 2017 aya 192 kalimah. Data anu kapanggih satulunya dipasing-pasing dumasar kana adegan, wanda pragmatis, jeung ma'na pragmatis. Ieu di handap dipedar sacara rinci kacindekan tina hasil panalungtikan.

Kahiji, adegan kalimah paréntah dumasar kana struktur internal klausa utamana dibagi jadi dua nyaéta kalimah paréntah sampurna jeung kalimah paréntah teu sampurna. Tina data kalimah paréntah anu kapaluruh, anu kagolong kana kalimah paréntah sampurna nyaéta aya 56 kalimah, sedengkeun anu kagolong kana kalimah paréntah teu sampurna nyaéta aya 136 kalimah. Kalimah paréntah sampurna mibanda lima pola, masing-masing polana mibanda subpola nu tangtu nyaéta: 1) kalimah paréntah sampurna pola I nyaéta J + C, anu mibanda 6 subpola nyaéta: (a) pola I.a J + C kapanggih aya 16 kalimah paréntah, (b) pola I.b J + C + U kapanggih aya 9 kalimah paréntah, (c) pola I.c J + C + P kapanggih aya 7 kalimah paréntah, (d) pola I.d C + J + C kapanggih aya 2 kalimah paréntah, (e) pola I.e C + C + J kapanggih aya 1 kalimah, jeung (f) pola I.f C + J + C + P kapanggih aya 2 kalimah paréntah; 2) kalimah paréntah sampurna pola II nyaéta J + C + K, anu mibanda 3 subpola nyaéta (a) pola II.a J + C + K kapanggih aya 6 kalimah paréntah, (b) pola II.b C + K + J kapanggih aya 1 kalimah paréntah, (c) pola II.c K + C + J kapanggih aya 1 kalimah paréntah; 3) kalimah paréntah sampurna pola III Kpy + J + C kapaluruh aya 4 kalimah paréntah; 4) kalimah paréntah sampurna pola IV Kpk + J + C mibanda 5 subpola nyaéta: (a) pola IV.a Kpk + J + C kapanggih aya 1 kalimah paréntah, (b) pola IV.b Kpk + J + C + P kapanggih aya 1 kalimah paréntah, (c) pola IV.c Kpk + J + C + Vok kapanggih aya 1 kalimah paréntah, (d) pola IV.d Kpk, C, J + C + P kapanggih aya 1 kalimah.

(e) pola IV.f Kpk + Vok + J + C kapanggih aya 1 kalimah paréntah; jeung 5) kalimah paréntah sampurna pola V. Vok + J + C mibanda 3 subpola nyaéta: (a) pola V.a C + J + Vok kapanggih aya 2 kalimah paréntah, (b) pola V.c C + J + Vok + C + K kapanggih aya 1 kalimah paréntah, (c) pola V.c Vok + J + C + P + K kapanggih aya 1 kalimah paréntah. Kalimah paréntah teu sampurna mibanda salapan pola utama, nyaéta: 1) kalimah paréntah teu sampurna pola I C mibanda 2 subpola nyaéta: (a) pola I.a C kapanggih aya 52 kalimah paréntah, (b) pola I.b C, C kapanggih aya 2 kalimah paréntah; 2) kalimah paréntah teu sampurna pola II C + U kapanggih aya 3 kalimah paréntah; 3) kalimah paréntah teu sampurna pola III C + P mibanda 3 subpolakalimah paréntah nyaéta: (a) pola III.a C + P kapanggih aya 11 kalimah, (b) pola III.b C + C + P kapanggih aya 2 kalimah, (c) pola III.c C + K + C kapanggih aya 1 kalimah; 4) kalimah paréntah teu sampurna pola VI C + K mibanda 4 subpola kalimah paréntah, nyaéta (a) pola IV.a C + K kapanggih aya 21 kalimah, (b) pola IV.b K + C + K kapanggih aya 1 kalimah, (c) pola IV.c C + K + C + K kapanggih aya 1 kalimah, (d) pola IV.d C + K + C kapanggih aya 1 kalimah, 5) kalimah paréntah teu sampurna pola V C + U + K kapanggih aya 1 kalimah; 6) kalimah paréntah teu sampurna pola VI C + P + K kapanggih aya 1 kalimah; 7) kalimah paréntah teu sampurna pola VII Kpy + C mibanda 2 subpola, nyaéta: (a) pola VII.a Kpy + C + P kapanggih 3 kalimah, (b) polaVII.b Kpy + C + K kapanggih aya 1 kalimah; 8) kalimah paréntah teu sampurna pola VIII Kpk + C/U/P/K/Vok mibanda 6 subpola, nyaéta: (a) pola VIII.a Kpk + C kapanggih aya 2 kalimah, (b) pola VIII.b Kpk + C + P kapanggih aya 1 kalimah, (c) pola VIII.c Kpk, K kapanggih 3 kalimah, (d) pola VIII.d Kpk + C + K kapanggih aya 1 kalimah, (e) pola VIII.e Kpk + C + C + U kapanggih aya 1, (f) Pola VIII.f Kpk + Vok + C + U + K kapanggih aya 1 kalimah ; jeung 9) kalimah paréntah teu sampurna pola IX Vok + C/U/P/K/Kpk mibanda 8 subpola, nyaéta: (a) pola IX.a C + Vok kapanggih aya 8 kalimah, (b) pola IX.b kapanggih aya 10 kalimah, (c) pola IX.c Vok, U kapanggih aya 1 kalimah, (d) pola IX.d K + Vok kapanggih aya 2 kalimah, (e) pola IX.e C + Vok + K kapanggih aya 1 kalimah, (f) pola IX.f K + J, Vok kapanggih aya 1 kalimah, (g) pola IX.g Vok + C + U kapanggih aya 2 kalimah, (h) pola IX.h Vok + Kpk + C + P kapanggih aya 1 kalimah .

Kadua, kalimah paréntah dina kumpulan naskah Festival Drama Basa Sunda ka XVIII taun 2017 mibanda wanda pragmatis. Aya opat rupa wanda pragmatis kalimah paréntah anu kapanggih tina kumpulan naskah Festival Drama Basa Sunda ka XVIII taun 2017. Wanda pragmatis anu kahiji nyaéta kalimah paréntah langsung literal anu jumlahna aya 173 kalimah. Wanda pragmatis anu kadua nyaéta kalimah paréntah langsung tan-literal anu jumlahna aya 8 kalimah. Wanda pragmatis anu katilu nyaéta kalimah paréntah langsung teu langsung literal anu jumlahna aya 10 kalimah, jeung wanda pragmatis anu kaopat nyaéta kalimah paréntah teu langsung tan-literal aya 1 kalimah.

Katilu, dina kumpulan naskah Festival Drama Basa Sunda ka XVIII taun 2017 kapanggih aya 12 ma'na pragmatis kalimah paréntah, nyaéta: (1) ma'na pragmatis pangjurung jumlahna aya 9 kalimah, (2) ma'na pragmatis panitah jumlahna aya 84 kalimah, (3) ma'na pragmatis paménta jumlahna aya 9 kalimah, (4) ma'na pragmatis pamaksa jumlahna aya 15 kalimah, (5) ma'na pragmatis pangharepan jumlahna aya 2 kalimah, (6) ma'na pragmatis panyarék jumlahna aya 50 kalimah, (7) ma'na pragmatis pangajak jumlahna aya 11 kalimah, (8) ma'na pragmatis pangbagéa jumlahna aya 3 kalimah, (9) ma'na pragmatis anjuran jumlahna aya 2 kalimah, (10) ma'na pragmatis panggentra jumlahna aya 5 kalimah, (11) ma'na pragmatis pangwawadi jumlahna aya 1 kalimah, jeung (12) ma'na pragmatis panganteb jumlahna aya 1 kalimah.

## 5.2 Implikasi

Hasil tina ieu panalungtikan dipiharep mibanda implikasi pikeun sababaraha widang. Kahiji, dina widang paélmuan ieu panalungtikan dipiharep bisa ngajembaran élmu pangaweruh katatabasaan atawa linguistik, hususna dina widang sintaksis jeung pragmatik. Kadua, dina kahirupan sapopoé, hususna pikeun nu maca ieu panalungtikan dipiharep bisa méré informasi sarta jadi bahan référénsi dina mikaweruh kalimah paréntah. Salian ti éta, ku ayana ieu panalungtikan dipiharep dina komunikasi henteu aya deui anu disebut pasalia paham atawa *misscommunication*.

### 5.3 Rékoméndasi

Dumasar kana kacindekan di luhur, aya sawatara rékoméndasi anu perlu ditepikeun pikeun panalungtikan satuluyna nu patali jeung ieu panalungtikan. Kahiji, pragmatik dina ieu panalungtikan ngan saukur ngulik ngeunaan wanda pragmatis jeung ma'na pragmatis, ku kituna masih kénéh perlu diayakeun panalungtikan séjén anu nalungtik kalayan leuwih lega ambahanana. Kadua, ieu panalungtikan sipatna murni, ku kituna pikeun ngeuyeuban ieu panalungtikan, perlu diayakeun panalungtikan séjén anu ngulik kalimah paréntah nu dipatalikeun jeung bahan pangajaran.